

SCRIPT OF EVENING GOJRI NEWS BULLETIN 12NOV 2025 1700 HRS

ایونینگ گو جری نیوز بلیٹن مورخہ 12 نومبر 2025

یوہ آکا شوانی جموں بے غلام سرور تے نصرت چوہدری تیں خبر سُنو۔

HEADLINES

- ۱۔ وزیر اعظم نریندر مودی نے حالیہ ، کاردھماکہ تیں ہون آلا زخمیاں سنگ ملاقات کی تے قصورواراں غے کلاف کاروائی غو وعدو کیو۔
- ۲۔ لیفٹیننٹ گورنر منوج سنہا نے دہشت گردی نانہہ امن وامان مانہہ روکاوٹ قرار دتو تے شہریاں نانہہ سماج دشمن عناصر کی اطلاع دین بارے اپیل کی۔
- ۳۔ جموں کشمیر پولیس نے گلگام تے سوپور مانہہ دہشت گردی غے خلاف چھاپہ ماری کی تے جماعت اسلامی غے خلاف کریخ ڈاون مانہہ متعدد مقامات ور کاروائی کی۔
- ۴۔ جموں کشمیر نے چھتاں ور شمسی توانائی غا شعبہ مانہہ بڑی پیش رفت کی 54 سو کھراں نانہہ بجلی غا بل تیں آزاد کیو تے 83 ہزار تیں متا کھراں غو بدف رکھیو کیو بے۔

۵۔ محکمہ موسمیات کی طرفوں جموں کشمیر مانہہ 15 نومبر توڑی موسم عام طورور خشک رے غو تے 16 نومبر تیں بالائی علاقان مانہہ ہلکی برف باری کی پیشن گوئی بے۔

PM LNJP HOSPITAL

وزیر اعظم نریندر مودی نے اج لوک ناٹک جے پرکاش نارائن اسپتال غو دورو کرگے حالیہ مانہہ دارالحکومت دہلی مانہہ کاردھماکہ تیں ہون آلا زخمیاں سنگ ملاقات کی وزیر اعظم بھوتان گا اپنا 2 تہاڑا دورا گا مکن تیں بعد دہلی مانہہ اُتریا تے فوراً بعد اسپتال پُجیا جناب مودی نے زخمیاں نال گل بات کی تے ان کی جلد صحت یابی کی خواہش وی کی تاہم اس طرح اُنہاں نے اسپتال غا حکام تے ڈاکٹراں نانہہ وی اس بارے ہدایت دتی کہ ایک سماجی میڈیا پوسٹ مانہہ وزیر اعظم نے کہیو بے جے اس سازش گے پیچھے جہڑا لوک ہیں اُنہاں نانہہ انصاف گا کٹگرہ مانہہ اُنیو جے غو۔

LG TERRORISM

لیفٹیننٹ گورنر منوج سنہا نے اج کہیو کہ دہشت گردی امن و ترقی تے سماجی بھائی چارہ بارے سب تیں پرو خطرہ بنی وی بے اُنہاں نے لوکاں اگے اپیل کی جے وے حفاظتی دستاں نال تعاون کریں تے کسی وی سماجی دشمن عناصر کی اطلاع دیں اس گل گو ذکر لیفٹیننٹ نے اج اونتی پورہ پلوامہ مانہہ اسلامی یونیورسٹی آف سائنس تے ٹیکنالوجی گا بنیادی ہفتہ تیں خطاب کرتا واں کہی لیفٹیننٹ گورنر نے کہیو جے دہشت گردی نے جموں کشمیر غا نوجواناں نانہہ 3 ریاستاں تیں بری طرح متاثر کی و بے تے اج گو نوجوان اپنا خواباں کی تعمیر پورو کر رہیو بے تیں کُج بیرونی طاقتاں نانہہ یاہ گل برداشت نی ہونی۔ اس سلسلہ مانہہ ایل جی موصوف نے 10 نومبر نانہہ لال قلعہ کاردھماکہ مانہہ جان گوان آلا سنگ تعزیت غو وی اظہار کیو اس موقعور خطاب کرتا واں اُن غو کہنو تھو۔

KULGAM SOPORE RAIDS

پابند جماعت اسلامی کے خلاف ایک برا کریک ڈون مانہ کُلگام پولیس نے اج ضلع بھر مانہ 200 تین متا مقامات ور چھاپہ ماری کی ایک سماجی میڈیا پوسٹ غے مطابق دسیو گئو بے جے تلاشیاں غو مقصد جماعت اسلامی تین منسلک عناصر گی جانب تین سرگرمیاں گی کوششاں نانہ جاننو تھو اس بارے ایس ایس پی کُلگام عنایت چوہدری نے مزید اس طرح کہیو۔ دریں اثنا سوپور پولیس نے وی جماعت اسلامی نیٹ ورکس انہم نشانو بناتا وان برا پیمانہ ور کاروائی کی تے 30 تین متا مقامات ور تلاشی لی تے مجرمانہ مواد ضبط کیا۔ حکام نے دسیو بے کہ ان مربوط کاروائیاں غو مقصد کالعدم تنظیم نانہ دوبارہ سرچکن توں روکنو بے تے علاقہ مانہ امن و سلامتی نانہ یقینی بناتو بے اس تین علاوہ مقامی برادریاں نانہ چوکنو رہن گی تاکید کی گئی بے۔

CS COOPERATIVE

چیف سیکرٹری اٹل ڈلو نے اج ایک اعلیٰ سطحی میٹنگ غی سدارت کی جس مانہ جموں کشمیر غا محکمہ کاپریٹیو غی کارکردگی تے مالی اصاحات غو جائیزو لیو گئو انہاں نے زور دتو کہ تعاونی سوسائٹیاں نانہ عام خدمت مراکز مانہ تبدیل کی و جے تے انہاں نانہ دیہی کاروبار، دودھ غی صنعت، مچھی پالن تے صحت غے متعلق مصنوعات مانہ وی اگے بدھایو جے۔ یو وی دسیو کہ سفید انقلاب 2.0 غے تحت تعاونی شعبہ مانہ زبردست ترقی ہونی بے جس تین 1 لکھتیں متی خواتین انہم فائدو پُجیو بے چیف سیکرٹری نے ہدایت دتی کہ کاپریٹیو تحریک غے زریعے پیشہ وارانہ مہارت ڈیجیٹل نظام تے مالی شمولیت ناہ نچلی سطح توڑی مضبوط بنایو جے۔

HC WINTER TIMINGS

جموں کشمیر تے لداخ عدالت عالیہ نے کشمیر صوبہ تے مرکز زیر انتظام علاقہ لداخ گا تمام ضلعی عدالتاں واسطے ٹھنڈ غا موسم غو اوقات غو اعلان کیو بے۔ نوٹفکیشن غے مطابق نواں وقت 1 دسمبر 2025 تین شروع وے غو تے 31 مارچ 2026 توڑی جاری رے گو اس دوران دفتری اوقات نکیلو 10 بجے تین شام 4:30 بجے توڑی وے غو تے تہاڑے 1 بجے تین 1:30 توڑی بریک وے غی عدالت گی نشست نکیلو 10:30 بجے تین شام 4:30 بجے توڑی وے غی اس طرح باقاعدہ اوقات 1 اپریل 2026 تین دوبارہ شروع وے غو۔

SURYA GHAR YOJNA

جموں کشمیر مانہ پردھام منتری سوریا گھر مُفت بجلی یوجنا غے تحت تیزی سنگ کم بو رہوی بے ہن توڑی 136000 تین متہ کہراں مانہ شمسی نظام لایا جا چکا ہیں تے 5400 تین متہ کہر ہن بجلی گا بل تین آزاد بے آکاشوانی جموں گا نمائندہ غے مطابق جموں کشمیر مرکزی زیر انتظام علاقہ مانہ 83500 کہراں غو بدف رکھیو گئو بے ہن توڑی 76 ہزار در درخواست موصول بو چکی ہیں جن وچوں 17151 معاہدہ دستخط کای جا چکا ہیں ضلعی تے ڈویژنل انتظامیہ نانہ ہدایت دتی گئی بے کہ سکیم نانہ ہر ضلع مانہ وسانی سنگ تے وقت ور مکمل کیو جے۔

MISSION YUVA

مشن یووا جموں کشمیر غا بکھ بکھ علاقن مانہ چھوٹا کاروبار نانہ بدھان آلو یونٹس تے کاروباری بیلپ لائنیں ڈسک واسطے پرتھی کر رہیا ہیں اس مشن گو مقصد نوجوانان مانہ روزگار تے کاروباری صلاحیتاں نانہ فروغ دیون ہے تانجے وہ کود گا کاروبار شروع کرسکیں تے دوجاں نانہ وی روزگار دے سکیں نال ہی یوہ منصوبہ ایسا تجربہ کار تے ماہرین نانہ وی مدعو کر رہیو ہے جنہاں نانہ کاروبار غی منصوبہ بندی بازاری حکمت عملی ، نوی ایجادات تے مختلف سیکٹر غی مہارتاں گو تجربو ہے ور آن لائن درخواست دے missionyuva.jk.gov.in دلچسپی رکھن آلا امیدوار سکیں۔ یوہ نوجوانان تے پیشہ وارانہ افراد واسطے ایک بہترین موقع ہے کہ وہ جموں کشمیر غا ہزاراں لوکاں نانہ باختیار بنان غو ایک حصو بنیں۔

PASSPORT MELA

ضلع انتظامیہ پونچھ نے وزارت خارجہ غا تعاون تیں پونچھ مانہ ترے روزہ پاسپورٹ میلو منعقد کیو جہڑو اس سال ضلع مانہ اپنی نوعیت غو پہلو میلو تھو۔ اس غو افتتاح اے سی آر پونچھ محمد سید نے کیو میلہ مانہ 120 اینٹ منٹ سلاٹ رکھیا گیا جہڑو 2 دنان مانہ پور و بک ہو گیو جت پہلاں لوکاں نانہ 240 کلو میٹر غ و سفر کر غے جموں جانو پیو تھو ہن یاہ سہولت پونچھ مانہ وی دستیاب ہو گئی ہے تقریباً 120 نے فاندو چایو جس تیں مقامی لوکاں نانہ اسانی حاصل ہوئی ہے۔ آکاشوانی غا خبراں آلا شعوبہ سنگ گل کرتاواں اے سی آر پونچھ محمد سید نے اس طرح کہیو۔

WEATHER

جموں کشمیر مانہ 15 نومبر توڑی موسم زیادہ تر خشک رہن گو توقع ہے تے زیادہ تر علاقن مانہ اسمان صاف رے غو تے 16 نومبر نانہ اچا علاقن مانہ ہلکی برف باری غا امکان ہیں محکمہ موسمیات غے مطابق 17 تیں 19 نومبر توڑی موسم دوبارہ تیں خشک ہو سکے تے 21 تیں 23 نومبر توڑی اسمان جز وی طورور ابر آلود رے غو۔ پہاڑی علاقن گا لوکاں نانہ خاص کر موسم غی تازہ صورتحال تیں باخبر رہن بارے کہیو گیو ہے تے موسم غے مطابق منصوبہ بندی کرن غو مشورودتو گیو ہے۔

PROG ANNOUNCEMENT

آکاشوانی جموں گو علاقانی خبراں آلو یونٹ ایک خصوصی مباحثہ ور پروگرام پیش کرے غو جہڑو 30 منٹاں غو وے غو اس پروگرام غو موضوع وے غو شوگر غی بیماری اس غی وجوہات علامت تے بچاؤ غا طریقہ یوہ پروگرام ولڈ ڈایابٹیز ڈے غا حصہ غا طورور 14 نومبر 2025 نانہ تہاڑی گا 2:30 بجے نشر کیو جے غو پروگرام مانہ مارا مہمان وین غا، ڈاکٹر سومن کوتوال جہڑا گورنمنٹ میڈیکل کالج جموں مانہ اندوکرانولوجی شعبہ غا سربراہ ہیں تے وہ اس موضوع ور اپنی قیمتی رائے تے اپنا ماہرانہ خیالات پیش کریں غا۔ پروگرام غی میزبانی کریں گا، مارا انکر وجے بجاج سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سن سکیں غا۔
